


中國方志叢書·華中地方·第九六號

據 丁炳烺修·吳承志等纂  
民國十四年鉛印本 影印

安徽省

太和縣志 (一)

成文出版社有限公司印行



\*10094172\*

中國方志叢書·華中地方·第九六號

據 丁炳焄修·吳承志等纂  
民國十四年鉛印本


影印

安徽省

# 太和縣志

(二)

成文出版社有限公司印行



\*10094171\*

中國方志叢書·華中地方·第九六號

據 丁炳烺修·吳承志等纂  
民國十四年鉛印本


影印

安徽省

# 太和縣志

(三)

成文出版社有限公司印行



中華民國五十九年五月壹一版

# 太和縣志

全三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

青  
籟  
隳  
志

南邨徐希三題



上海中華書局

聚珍倣宋版印

## 重修太和縣志序

民國癸亥秋奉檄蒞太和任諮詢地方利病飭據厂檢取志書僉曰舊本漫滅不可識邑志失修百七十餘年矣予甚嘆文獻失徵舍有司之責誰屬歟明年春乃召邑人士謀之就學田租粟籌資分區採訪開局任事至秋間始議延聘全椒吳述庵先生爲總纂先生至乃與予言志事之待徵集者其大要曰圖說曰世譜曰事略太和地勢平行能先事測量明晰則河道及諸幹溝載其所經處高低坡度異日全境水利脈絡之配置無難此其大要者一也人民著姓自漢代有張范其他皆元明時來遷或以孝義文

學以及科第起家者必有譜牒能遍事檢閱則人文世次列入傳表用昭信實此其大要者二也制度各縣有異同惟賦役爲最重在官案牘能搜綴無遺則其得失源流詳計審處自足取資鑒戒此其大要者三也予深然其言遂商諸經理艷次蕃于相岑兩君而乃以測繪難籌資也譜學多未講也降而問諸掾屬檔冊亦半屬若存若亡間無已惟依采訪各冊及前輩手錄雜稿不憚再三審核而必求確鑿可據也費時半載亦綦勞矣遠接成志與吳錄雖名重修而實等創纂爲卷十有二區分事類爲十曰圖曰表曰志曰傳曰記無可分者入附見無可賅者歸雜類意



義一本章實齋魯通甫志例筆削謹嚴誠足以上之國家  
參信史在一邑作政書也予不敏亟思釐正賦冊太和舊  
分十六里每里地畝有定額徵賦冊隨之自咸豐間檔案  
失每一里有錯載廿餘堡賦冊東西遠不相屬虛冒隱匿  
其弊難稽久矣本年夏始得彙集爲表以發其凡附著之  
蓋自中央政變後四境騷然日事戒嚴他務未及計回憶  
去冬雪夜時方與吳先生圍爐談藝語未竟而警告至遂  
持械登陴寢處憂慮之不遑其境猶歷歷未忘也今幸地  
方稍靖此書告成固不敢沒吳先生之勞而亦邑人贊襄  
克竟其功緒藉以謝予之責也夫乙丑代理太和縣事宜

太平縣志

序

城丁炳煊撰

二

序

乙卯清史館有徵集各縣圖志之舉予太和惜無以應甲子春丁公子莘來宰茲邑以修志引爲己責誠可謂知所先務矣曾屬予董其役予自憶王令建侯勸予勿遠方假館專教授鄉里廿餘年來雖不乏成就者然多絜白自愛不足以應世變邑志之大者莫若因革捐益今日政教紛歧世變極矣予皆置而不聞此所以辭之不容已也今得吳述庵先生總纂其書先生曾爲予子憲邦姪翊邦學校師矣予來城數晤語甚歡書分十類綱舉目張闕者補訛者正義例謹嚴筆削惟公諸輿論予老矣百七十年失載

之文獻及予身而觀厥成抑何幸也其時表章先賢爲張  
酺范滂故里建碑下而無位於朝者忠孝貞烈亦得闡發  
其幽潛之光其有裨於風化者匪淺予夙以世雖變而道  
終不變者此也改革後每感滄桑值斯文將墜之日竟網  
羅散佚而告成書因不揣迂拙而聊爲綴數語於簡端云  
王朝隆撰時年七十有八

序

民國十三年甲子秋吾邑人士急急以重修縣志爲務丁  
令梓莘董其事纂輯者吳君述庵爲之主一時之宿儒碩  
彥搜採而潤色之越數月書成命余爲之序余武人也獷  
而無文少雖生長於斯游泳於斯竊聞里黨長老之緒論  
自成童爲諸生後投筆事戎行疲頓鞍馬垂二十年舉凡  
昔時所經歷前後判若異境一爲追憶亦多屬若存若忘  
間安能以序爲嘗稽古圖志溯沙茨兩流域見夫北通渦  
肥南吞江淮遠接陳汝近連譙潁豫省古號中州其邊壤  
與吾邑犬牙相錯形勢之重地里之要其有不可忽者乎

自漢以來名賢代起子橫直諫孟博清議張氏祖孫之傳  
尚書學爲帝王友師固已彪炳千古而世傳忠節門敦孝  
義下及政事文學藝苑之流有以風當世而揚國庥者尤  
難更僕數時運遞嬗沿革頻仍脫非詳加記錄參證今古  
抑或任其湮沒訛謬相承亦將何以勵世而起俗若是則  
此志之重修誠岌岌難待矣惟民國締造迄今十有餘稔  
世局鼎沸有如奕棋士生斯時大類脫枝之葉無所附麗  
而兵燹匪亂以及水旱疫癘之災如魚游釜如燕巢幕曾  
朝夕之不保而尚何心於鉛槧丹墨之爲此志之成適見  
於擾攘干戈之世余何人斯日紛紛於軍書旁午之不暇

而得親炙諸君子之餘徽以見其有此崇尚風教裨益政  
治之舉不獨諸君子之庠亦一邑之光也又安能默默不  
爲貢一言以竊引爲私幸耶是爲序徐希三撰

二才集 六 月



序

太和始創志事者劉公玠繼之者陳公大綸至成公兆豫乃刊有成書今則成於吳先生述庵先生全椒名宿也邑人聞其名商於知事丁公子莘延聘主纂當是時邑志之失修已百七十四年矣夫邑之有志猶國之有史其勵風化示勸懲一也太和雖地處偏僻此百數十年間豈無良吏名流耆紳宿儒能爲之提倡修輯者胡爲至遲之又久也乎予甚疑焉間嘗考嘉道以後風氣已漸不古若或者當事諸君子不能無黨同伐異之見以致採訪者未能兼容並收秉筆者難以循名核實與其是非未直利弊未明